

立即無所見也傍侍疾者向舉目者是其相矣真曰若即住彼大遂本願幹曰天樂非久然望輪迴華嚴藏海是所圖也不久氣絕湏臾復蘇童真問何所見耶幹曰見大水遍滿華如車輪幹坐其上所願足矣尋余便卒韓定寺主武德初亡也以大業八年正月二十

九日卒於本寺春秋七十有八也

唐西京淨影寺釋善胄俗姓淮氏瀛州人也通敏易悟極闡論激機辯爲心美譽聞徹於仁壽末季奉勑置塔送舍利子梓州牛頭山華林寺嚴舉將達感豬八頭突倒舉下從行至館驅逐乃走還來如故漸至城治黑蜂四牧形甚壯偉隨舉旋達數而便去既至州館夜放大光明徹屋上如火焰發食頃方滅又掘塔基入深丈餘正當函處得古甕瓶無蓋有水清澄香美乃用盛於函內寺九層浮圖從西南角第二級放光上照相輪如五石瓮黃赤如火良久方隱又堂內弥勒像亦放眉

間紫光并二菩薩亦放赤光通照寺院前後七度衆人同見除不來者武德三年八月內終於本寺春秋七十有一古二驗出唐高僧傳內
法苑珠林卷第十六
砾 古夷反 達瞿惟 檀 反 代遜徒因 襄 捕毛貶
惠劫鄧勒基聯連汜似薺而佳 燔燭揭五郎
反

法苑珠林卷第十七

藁七

大唐上都西明寺沙門釋道世撰

普賢驗第六

敬法篇第七

宋路昭太后

宋沙門釋道溫

宋沙門釋道因

齊沙門釋普明

宋路昭太后大明四季造普賢菩薩乘寶輦白象安於中興禪房因設講于寺其季十八日齋畢解座會僧二百人于時寺宇始構帝甚留心輦蹕臨幸旬必數四僧徒勤整禁衛嚴肅余日僧名有定就席久之忽有一僧預于座次風兒秀舉闔掌驚矚齋主與語往還百餘言忽不復見列筵同覩識其神人矣

宋大明李中有寺統法師名道溫居在秣陵縣既見皇太后數鑒冲明聖符綱治滌思淨場研襟至境固以聲藻震中事靈梵表迺創思鎔斷抽寫神華模造普賢彩儀盛像寶傾宇宙妙盡天鏘所設講齋訖今月八日嘵會有限名薄索定引次就席數無盈減轉經將半景及昆吾忽覩異僧預于座內容止端嚴氣兒秀發舉衆矚目莫有識者齋主問曰上人何名答曰名慧明問住何寺答云來自天安言對之間倏然不見闔堂驚魂遍筵肅慮以爲明祥所賁幽應依闡紫山可翻臺不遠蓋聞至誠所感還景移緯澄心所殉發石開泉況帝德涵運皇功懋洽仁洞軌過理暢冥外故上王盛士冠表大明之朝勸發妙身躬見龍飛之室意若曰陛下慧燭海縣明華日月故以慧明爲人名繼天興祚式垂無墮故以天安爲寺稱神基弥遠道政方凝九服識泰萬寓齊悅謹列言屬縣以詮天休

宋沙門釋道因扶風好時人也本姓馬氏學業淳粹弱齡有聲元嘉二年九月在洛陽爲人作普賢齋道俗四十許人已經七日正就中食忽有一人袴褶乘馬入至堂前下馬禮佛因謂常人不加禮異此人登馬揮鞭忽失所在便見赤光赫然竟天良久而滅後三年十二月在白衣家復作普賢齋將竟之日有二沙門容服如凡直來禮佛衆中謂是庸僧不甚尊仰聊問何居答曰住在前村時衆白衣有張道覺其有翼至心禮拜沙門出門行可數十步忽有飛塵直上衝天追自此僧不復知所因以七年與同學來遊京師時司空朱士
二何尚之始構南澗精舍因寓居焉夜中忽見四人乘一新車從四人傳教來在屋內呼與其載道因驚其夜至疑而未言因眼閉不覺昇車俄而至郡後沈驕見一貴人著快被箋布單衣坐床素織形似華蓋鹵簿從衛可數百人悉服黃衣見因驚曰行船舟道人精心

遠詣旨欲知其處耳何故將來即遣人引送
國還至精舍門外失所送人門閑如故扣喚
父之寺內諸僧咸驚相報告開門內之視所
住房戶猶故關之

古三驗出真祥記之

齊上定林寺有釋普明姓張臨渭人少出家
稟性清純蔬食布衣以讖誦爲業誦法華維

摩二經及諷誦之時有別衣別座未嘗穢雜
每至勸發品輒見普賢乘象立在其前誦維
摩經亦聞空中唱樂又善神呪所救皆愈有
鄉人王道真妻病請明來呪明入門婦便悶
絕俄見一物如狸長數尺許從狗竇出因此
而愈明嘗行水傍祠至覲自云神見之皆奔
走以宋孝建中卒春秋八十有五

唐高僧傳右此驗出

觀音驗略引二

秦尚書徐義

秦居士畢覽

晉沙門竺法義

晉沙門竺法純

晉沙門釋開達

晉居士郭宣之

晉居士潘道秀

晉居士欒苟

卷十七

三

七

晉沙門釋法智

晉南公子教

晉沙門道泰

晉居士孫道德

晉居士劉度

晉居士竇傳

晉沙門竺法純

晉居士張興

宋居士宋琰

魏沙門釋道泰

魏沙門釋法力

魏居士孫敬德

秦徐義者高陸人也少奉法爲符堅尚書堅
未兵革鋒起賊獲義將加戮害乃埋其兩足
編髮於樹夜中專念觀世音有須得眠夢人
謂之曰今事亟矣何暇眠乎義便驚起見守
防之士並疲而寢乃試自奮動手髮既解足
亦得脫因而遁去百餘步隱小蘿草便聞追
者交馳火炬星陳手繞此爇而竟無見者天
明賊散歸投鄴寺遂得免之

秦畢覽東平

人也少奉法隨慕容垂北征殷虜單馬逃竄
虜追騎將及覽至心誦念觀世音既得免脫
因入深山迷惑失道又專心歸念中夜見一
道人法服持錫示以途徑遂得還路安隱至

家 晉始寧山有竺法義晉興寧中沙門遊刃衆典尤善法華受業弟子常有百餘至咸安二季忽感心氣疾病常存念觀世音乃夢見一人破腹洗腸寤便病愈傳亮每云吾先君與義公遊處而聞說觀世音神異莫不大肅然矣 晉沙門竺法純山陰顯義寺主也晉元興中起寺行牆至蘭上買村路經湖道村主是婦人而應共至村所准許價直遂與同船俱行既入大湖日暮暴風波浪如山純船小水入命在瞬念值行無福忽遇斯灾又與婦人俱行其以罔懼乃一心誦觀世音經俄有大舟泛流趣純適時既入夜行旅已絕純自惟念不應有此流船疑是神力既而共渡乘之而此小船應時即沒大舟隨波鼓蕩俄得達其岸耳 晉沙門釋開達隆安二季登壘採甘草爲羌所執時季大飢羌胡相噉乃置達柵中將食之先在柵者十有餘人羌曰汝草俎唯達被執便潛誦觀世音經

纂
朱十七

四

不懈乎心及明日當見噉其晨始曙忽有大虎逼群羌奮怒號吼羌各駭怖退走虎乃前齧柵木得成小闕可容人過已而徐去達初見虎齧柵必謂見害既柵穿而不入心疑其異將是觀音力計度諸羌未應便及即穿柵逃走夜行晝伏遂得免脫 晉郭宣之太原人也義熙四季爲楊思平梁州府司馬揚以輒害范元之等被法宣亦同執在獄唯一心歸向觀世音菩薩後夕將眠之際忽親觀菩薩光明照獄宣瞻覩禮拜祈請誓願久之乃沒俄而宣之獨被恩赦既釋依所見形製造圖像又立精舍焉後零陵衡陽卒官

晉潘道秀吳郡人季二十餘爲軍糾主北爲征固旣而軍小失利秀竄逸被掠經數處作奴俘虜異域欲歸無因少信佛法恒至心念觀世音每夢寐輒見後既南奔迷不知道於窮山中忽覩真形如今行像因作禮禮竟豁然不覺失之乃得還路遂歸本土後精進弥

篤季垂六十而亡 晉樂苟不知何許人也
少奉法嘗作福富平令先從征虜循值小失
利舫遭火垂盡賊亦交逼正在中江風浪駭
目苟恐怖分盡猶誦念觀世音俄見江中有
一人挺然孤立腰與水齊苟心知祈念有感
火賊已切便投水就之身既浮涌脚似履地

未吉

五

尋而大軍遣船迎接敗者遂得免濟

晉沙門釋法智爲白衣時嘗獨行至大澤中
忽遇猛火四方俱起走路已絕便至心禮誦
觀世音俄然火過一澤之草無有遺莖者唯
智所處容身不燒於是始乃敬奉大法後爲
姚興將從征索虜軍退失馬落在圍叢乃隱
溝邊荆棘藪中得蔽頭復念觀世音心甚勤
至隔溝人遙喚後軍指令然之而軍過搜覓
輒無見者逼得免濟後遂出家 晉南公子

敖始平人也始新平城爲佛佛虜兒長樂公
所破合城數千人皆被誅害子敖雖分必死
而猶至心念觀世音既而次至子敖群刃交

下或高或僻持刀之人忽疲懈四支不隨尔
時長樂公親自臨刑驚問之子敖聊尔荅云
能作馬鞍乃令原釋子敖亦不知所以作此
言時後遂得遁逸造小形像貯以香函行則
頂戴也 晉沙門釋道泰常山衡唐精舍僧
也晉義熙中嘗夢人云君之季命當終六七

泰季至四十二更遇篤病慮必不濟悉以衣
鉢之資厚爲福施又歸誠屬念稱誦觀世音
晝夜四日勤心不替時所坐牀前垂帷忽於
帷下見人跨戶而入足趺金色光明照屋泰
乃褰帷遽視奄然而滅驚欣交萃因大流汗
即覺體輕所患平瘥 晉孫道德益州人也

奉道祭酒泰過五十未有子息居近精舍景
平中沙門謂德必願有兒當至心禮誦觀世
音經此可冀也德遂罷不事道單心投誠歸
觀世音少日之中而有夢應婦即有孕遂以
產男也 晉劉度平原遼城人也鄉里有一
千餘家並奉大法造立形像供養僧尼值虜

主木未時此縣嘗有逋逃未大怒欲盡滅一城衆並兇懼分必彌盡度乃潔誠率衆歸命觀世音頃之未見物從空中下繞其所住屋柱驚視乃觀世音經使人讀之未大歡喜用省刑戮於是此城即得免害 晉竇傳者河內人也永和中并州刺史高昌冀州刺史呂朱十七護各權部曲相與不和傳爲昌所用作官長六護遣騎抄擊爲所俘執同伴六七人共擊入一獄鎖械甚嚴尅日當然之沙門支道山時在護營中先與傳相識聞其執厄出至獄所候視之隔戶共語傳謂山曰今日困厄命在漏刻何方相救山曰若能至心歸請必有感應傳先亦頗聞觀世音及得山語遂專心屬念晝夜三日至誠自歸觀其鎖械如覺緩解有異於常聊試推盪忽然離體傳乃復至心曰今蒙袞祐已今桎梏自解而同伴尚多無心獨去觀世音神力普濟當令俱免言畢復牽挽餘人皆以次解落若有割剔之者遂開

戶走出於警徼之間莫有覺者便踰城逕去時夜已向曉行四五里天明不復進共逃隱一捺中湏臾覺失囚人馬落驛四出尋捕焚草踐林無不至遍唯傳所隱一畝許地終無至者遂得免還鄉里敬信異常成佳奉法道山後過江爲謝居士敷具說其事歸真記四驗家止山陰顯義寺苦行有德善誦古維摩經晉元興中爲寺上蘭渚買故屋暮還於湖中遇風而船小將沒純唯一心憑觀世音口誦不輟俄見一大流船乘之獲免至岸訪船無主湏臾不見道俗咸歎神感後不知所終右朱十七高僧傳梁宋張興者新興人也頗信佛法嘗從沙門僧融晏翼時受八戒興嘗爲劫所引夫得走逃妻坐繫獄掠笞積日時縣失火出囚路側會融翼同行經過囚邊妻驚呼闇梨何以賜救融曰貧道力弱無救如何唯宜勤念觀世音庶獲免耳妻便晝夜祈念經十許

日於夜夢一沙門以脚蹈之曰咄咄可起妻即驚起鉗鎌桎梏忽然俱解便走趣戶戶時猶閉警防殊嚴既無由出慮有覺者乃還著械尋復得眠又夢向沙門曰戶已開矣妻覺而馳出守備者並已惛睡妻安步而去時夜甚闇行可數里卒值一人妻懼僻地已而相訊乃其夫也相扶悲喜夜投僧翼翼藏匿之遇遂免時元嘉初也 宋琰稚季在交趾彼土有賢法師者道德僧也見授五戒以觀世音金像一軀見與供養形製異今又非甚古類元嘉中作鎔鑄殊工似有真好琰奉以還都時季在韶臯與二弟常盡勤至專精不倦後治改弊廬無屋安設寄京師南澗寺中于時百姓競鑄錢亦有盜毀金像以充鑄者時像在寺已經數月琰晝寢夢見立于座隅意甚異之時日已暮即馳迎還其夕南澗十餘軀像悉遇盜亡其後久之像於曉暮間放光顯照三天許地金輝秀起煥然奪日琰

兄弟及僕役同覩者十餘人于時幼小不即題記比加撰錄忘其日月是宋大明七季秋也至秦始末琰移居烏衣周旋僧以此像權寓多寶寺琰時暫遊江都此僧仍邇荆楚不知像處垂將十載常恐神寶與因俱絕宋升明末遊蹟峽表經過江陵見此沙門迺知像所其季琰還京師即造多寶寺訪焉寺主愛公云無此寄像琰退慮此僧孟浪將遂失此像深以惆悵其夜夢人見語云像在多寶變公志耳當爲得之見將至寺此人手自開殿見像在殿之東衆小像中的的分明詰且造寺具以所夢請愛公愛公乃爲開殿果見此像朱十七在殿之東如夢所覩遂得像還時建元元季七月十三日也像今常自供養庶必永作津梁脩復其事有感深懷訖此徵觀綴成斯記夫鏡接近情莫踰儀像瑞驗之發多自此興經云鎔斷圖績類形相者爰能行動及放光明今西域釋迦彌勒二像暉用若真蓋得

相乎今華夏景精神應亟著亦或當年群生
因會所感假憑木石以見幽異不必剋由容
好而能然也故沉石浮深寔闡閨呉之化塵
金鴻液用館彭宋之禍其餘銓示繁方雖難
曲辯率其大哲允歸目從若夫經塔顯効旨
證亦同事非殊貫故繼其末驗出
祐記也

魏常山衡唐精舍釋道泰元魏末人夢人謂
曰余至某季當終於四十二矣泰寤懼之及
至其年遇病甚憂悉以身資爲福有友人曰
余聞供養六十二億菩薩與一稱觀音福同
無異君何不至心歸依可必增壽泰乃感悟
遂四日四夜專精不絕所坐惟下忽見光明
從戶外而入見觀音足趺踝間金色朗照語
泰曰汝念觀世音耶比泰塞帷頃便不復見
悲喜流汗便覺體輕所患悉愈聖力所加後
終延年 魏天平年中定州募士孫敬德造
觀音像自加禮敬後爲劫賊所引不勝拷楚
妾承其死將加斬決夢一沙門令誦救生觀

世音經千遍得脫有司執縛向市且行且誦
臨刑滿千刀斫自折以爲二段皮肉不傷三
換其刀終折如故視像項上有刀三迹以狀
奏聞丞相高歡表請免死勅寫其經廣布於
世今謂高王觀世音經自晉宋梁陳秦趙國
國分十六時經四百觀音地藏彌勒彌陀稱
名念誦獲得救者不可勝紀具諸傳錄故不
備載 魏末魯郡釋法力未詳何人精苦有
志勤營塔寺欲於魯郡立精舍而材不足與
沙弥明琛往上谷乞麻一載將還行空澤中
忽遇野火車在下風恐無得免法力倦眠比
寤而火勢已及因舉聲稱觀未遑稱世音應
聲風轉火焰尋滅安隱還寺又有沙門法智
本爲白衣獨行大澤猛火四面一時同至自
知必死乃合面於地專稱觀世音怪無火燒
舉頭看之一澤之草纖毫並燼唯智所伏僅
容身耳因此感悟捨俗出家又沙門道集於
壽陽西山遊行爲二劫所得縛繫在樹將欲

然之唯念觀音守死不輟引刀屢斫皆無傷
損劫賊怖走集因得脫又沙門法禪山行逢
賊危欲害之唯念觀音挽弓射之放箭不得
賊遂歸誠投弓於地知是神人怖捨逃遁

驗出唐高僧傳

頌曰

釋化能仁觀機降天衆聖之上寔爲帝先

交養怡和濯粹冲源慈誨含識善誘中玄
恩舒慧炬燭我宵燃隨機變化孰識其季
望之霞舉即亦雲津般之以形悼之以神
三乘既弘雙林遺身假唱泥洹正法常宣
敬法篇第七

此有六部一

述意部 聽法部 求法部

感福部 法師部 謗罪部

述意部第一 盖聞寂然不動是則無象無
言感而遂通所以有名有教是以一四之句
難聞三千之火易入庶使凝寒靜夜朗月長
霄獨處空閑吟誦經典吐納宮商文字分明
言味流美詞韻相屬適衆人心利生物善足

朱七

使幽靈欣躍精神悅豫久習純熟文義洞曉
敬心發誦至誠冥感信知受持一偈福利弘
深書寫一言功超數劫是以迦葉頂受糜恪
剥皮薩陀心樂無辭灑血此是甘露之初門
入道之終德也 聽法部第二

如付法藏經云佛言一切衆生欲出三界生
死大海必假法船方得度脫法爲清涼除煩
惱熟法是妙藥能愈結病法是衆生真善知
識作大利益濟諸苦惱所以然者一切衆生
志性無定隨所染習近善則善近惡則惡若
近惡友便造惡業流轉生死無有邊際若近
善友起諸敬心聽受妙法必能令離三塗苦
惱由此功德受取勝樂華氏國王有一白象
能滅怨敵若人犯罪令象蹋然後時象既爲
火所燒移象近寺象聞比丘誦法句經偈云
爲善生天爲惡入淵象聞法已心便柔和
起慈悲心後付罪人但以鼻嗅舌舐而去都
不肯殺王見斯已心大惶怖即召諸臣共謀

此事智臣白王此象近寺必聞妙法是故余耳今可移近屠肆處繫王用其言象見屠煞惡心猛熾殘害更增是以當知一切衆生志性無定畜生尚尔聞法生慈見煞增害豈況於人而不染習是故智者宜應覺知見惡湏棄覩善宜近勸聽經法又於往昔有婆羅門持人觸體其數甚多詣華氏城中遍行銜賣經歷多時都無買者時婆羅門極大瞋恚高聲罵言此城中人愚癡闇鈍若不就我買觸體者我當與作惡名聞也爾時城中諸優婆塞聞畏毀謗便持錢買即以銅筋貫穿其耳若徹過者便與多價其半徹者與價漸少都不通者全不與直婆羅門言我此觸體皆悉無異何故與價差別不等優婆塞言前徹過者此人生時聽受妙法智慧高勝貴其如此相與多價其半徹者雖聽經法未善分別故與少直全不通者此人住昔都不聽法故不與價時優婆塞持此觸體往至城外起塔供

卷十七

上

昇

養命終之後悉得生天以是因緣當知妙法有大功德此優婆塞以聽法人觸體起塔而供養之尚得生天況能至心聽受經法供養恭敬持經人者此之福報實難窮盡未來必當成無上道是故智者欲得無上安隱快樂應當至心勤聽經法 賢愚經云昔佛在世時舍衛國中須達長者信敬佛法爲僧檀越衆僧所湏一切供給須達家內有二鸕鷀一名律提二名賑律提稟性黠慧解人言語見比丘來先告家內令出迎送阿難後時到長者家見鳥聰黠爲說四諦苦集滅道門前有樹二鳥聞法飛向樹上歡喜誦持夜在樹宿野狸所食緣此善根生四王天盡彼天壽生忉利天忉利壽盡生夜摩天夜摩壽盡生兜率天兜率壽盡生化樂天化樂壽盡生於第六他化自在天他化壽盡還生化樂如是次第還復下至四天王天四天壽盡還復上至他化自在天如是上下經於七返生六欲天

自恣受樂極天之壽而無中夭後時命終來
生人中出家修道得辟支佛一名曇摩二名
脩曇摩 賢愚經云昔佛在世時有一比丘
林中誦經音聲雅好時有一鳥聞法敬愛在
樹而聽時爲獵師所射命終緣此善根生忉
利天面兒端正光相暎然無有倫疋自識宿

集朱十七

士

昇

命知因比丘誦經聽法得生此中即持天華
到比丘所禮敬問訊以天香華供養比丘比

丘具問知其委曲即命令坐爲其說法得須
陀洹既得果已還歸天上禽鳥聽法尚獲福
報無邊豈況於人信心聽法寧無善報
善見律論云昔佛在世時到瞻婆羅國迦羅

池邊爲衆說法時彼池中有其一蛤聞佛池
邊說法之聲即從池出入草根下聽佛說法
時有一人持杖放牛見佛在坐爲衆說法即
往佛所欲聞法故以杖刺地誤著蛤頭即便
命終生忉利天以福報故宮殿縱廣十二由
旬與諸天女娛樂受樂即乘宮殿往至佛所

頭頂禮足佛知故問汝是何人忽禮我足神
通光明相好無以照徹此間蛤天人以偈而
答言 往昔爲蛤身 於水中覓食

聞佛說法聲 出至草根下 有一牧牛人
持杖來聽法 杖剝刺我頭 命終生天上

佛以蛤天人所說偈爲四衆說法是時衆中
八萬四千人皆得道迹蛤天人得須陀洹果
含笑而去 求法部第三

如雜寶藏經云昔有一女人聰明智慧深信
三寶常於僧次請二比丘就舍供養後時便
有一老比丘次到其舍至老根昧素無知曉
齋食訖已女人至心求請說法敷坐頭前開

集朱十七

三

目靜坐比丘自知不解說法趣其泯眼棄走
還寺然此女人至心思惟有爲之法無常苦
空不得自在深心觀察即時獲得須陀洹果
即得果已向寺求覓欲報其恩然此比丘自
審無知棄他逃走倍生慚恥轉復歲避而此
女人苦求不已方自出現女人見已具說蒙

得道果因緣齋供報恩老比丘聞甚大慚愧
深自尅責亦復獲得湏陀洹果是故行者應
當至心精誠求法若至心者所求必獲

涅槃經云佛言我念過去作婆羅門在雪山
中修善薩行時世無佛亦無經法時天帝釋
觀見菩薩獨在山中修諸苦行即下試之自

變其身作羅刹像甚可怖畏住菩薩前口說
半偈 諸行無常 是生滅法 說是偈已
遍觀四方菩薩聞偈心生歡喜即從座起以
手舉髮四向顧視不見餘人唯見羅刹即便
往問大士何處得是半偈此半偈義乃是三
世諸佛正道羅刹答言汝不須問我不食來
已經多日處處求索了不能得飢渴苦惱心
亂謬話非我本心之所知也菩薩復語若能
為我說是偈竟我當終身爲汝弟子羅刹答
言汝智太過但自憂身都不見念我今飢逼
實不能說菩薩復語汝食何食羅刹答言我
所食者唯人暖肉其所飲者唯人熱血菩薩

聞已即語羅刹但能具足說是偈竟我當以
身奉施供養羅刹答言誰當信汝爲八字故
棄所愛身菩薩答言我今有證梵釋四王諸
佛菩薩能爲我證羅刹聞已勑聽許說菩薩
歡喜即脫皮衣爲敷法座白言和上願坐此
座善爲我說羅刹即說生滅滅已寂滅爲樂
說是偈已菩薩深思然後處處石壁道樹書
寫此偈竟上高樹投身而下未至地頃時虛
空中出種種聲尔時羅刹還復釋身接取菩
薩安置平地懺悔辭謝頂禮而去緣爲半偈
捨身因緣超十二劫在弥勒前成無上道

涅槃經云佛言我念過去無量無邊那由他

葉朱十七

劫此娑婆世界有佛出世號釋迦牟尼爲衆
生宣說大涅槃經我於尔時從善友所傳聞
佛說大涅槃經心中歡喜即欲供養貧無財
物遂行賣身薄德不售即欲還家路見一人
而復語言吾欲賣身君能買不其人答言我
家作業人無堪者吾有惡病良醫處藥應當

昇

日服人肉三兩卿若能以身肉三兩日日見
給便當與汝金錢五枚我時間已歡喜語言
惠我七日湏我事訖便還相就其人答言聽
汝一日我即取錢往至佛所禮已奉獻然後
誠心聽受是經我時間鋟唯受一偈
如來證涅槃 永斷於生死 若能至心聽

常得無量樂 受是偈已至病人家雖復日
日與肉三兩以念偈故不以爲痛日日不廢
足滿一月其人病瘻瘍亦平復我時見身具
足平復即發菩提願未來世成佛之時亦願
号字釋迦牟尼以是因緣今得成佛

又集一切福德三昧經云昔過去久遠阿僧
祇劫有一仙人名曰最勝住山林中具五神
通常行慈心後作是念非但慈心能濟衆生
唯集多聞能滅衆生煩惱邪見能生正見念
已便詣城邑聚落處處推求說法之師時有
天魔來語仙言我今有佛所說一偈汝今若
能剥皮爲紙刺血爲墨折骨爲筆書寫此偈

葉 朱十七

主

甲

當爲汝說最勝仙人聞已念言我於無量百
千劫中常以無事爲他割截受苦無量都無
利益我今當捨不堅之身易得妙法歡喜踊
躍即以利刀剥皮爲紙刺血爲墨折骨爲筆
合掌向天請說佛偈時魔見已愁憂憔悴即
便隱去仙人見已作如是言我今爲法不惜
身命剥皮爲紙刺血爲墨折骨爲筆爲衆生
故至誠不虛餘方世界有大慈悲能說法者
當現我前作是語時東方去此三十二刹有
佛國土名普無垢其國有佛號淨名王忍住
其前放大光明照最勝身苦痛即除平復如
故佛即廣爲說集一切福德三昧最勝聞法
得無礙辯佛說法已還沒不現最勝仙人得
辯才已爲諸衆生廣說妙法令無量衆生住
三乘道經千歲後而乃命終生淨名王普無
垢國由敬法故今得成佛佛告淨名王普無
垢今我身是是以當知若有人能恭敬求法
佛於其人不入涅槃法亦不滅雖在異土常

面覩佛得聞正法 感福部第四

如普曜經云若有賢人聞是經典義手自歸即捨八事懈怠之本成八功德何謂爲八一得端正好色二得力勢強盛三得眷屬滋茂四逮得辯才無量五學疾得出家六所行清淨七得三昧定八得智慧明無所不照若有法師布座調誦是經得八座福何謂爲八一得長者座二得轉輪王座三得天帝座四得自在天座五得羅漢座六得善薩座七得如來座八得轉法輪度脫一切衆生座若有法師頒宣是法有讚數善哉者當得八清淨行何謂爲八一言行相應無所違失二口言至誠而無虛妄三在於衆會真諦無欺四所言人信不捨遠之五所言柔軟初無麁穢六其聲悲和猶如哀鸞七身心隨時音聲如梵會中人聞莫不諮詢八音響如佛可衆生心若有書是經典得八大藏何謂爲八一得意藏未曾妄捨二所得心藏無所不解分別經法

卷
朱十七
大
釋

三得往來藏普解一切諸佛經法四得捨持藏一切所聞皆能識念五得辯才藏爲諸衆生頒宣經典皆歡喜受六甚深法藏將護正法七道意法藏未曾斷絕三寶法教八奉行法藏則輒逮得無所從生忍又華嚴經云善男子假使有人以大海等墨須弥聚筆書寫此經一一品一一法門一一方便一一法門一一句中義味猶不能盡又大乘莊嚴論云諸菩薩於大乘法有十種正行一書寫二供養三流傳四聽受五轉讀六教化七習誦八解說九思擇十修習此十正行能生無量功德又中邊分別論云大乘修行有十一書寫二供養三施與他四若他讀誦一心聽聞五自讀六自如理取名味句及義七如道理及名句味顯說八正心聞誦九空處如理思量十已入意爲不退失故又菩薩藏經云復次舍利子是善男子善女人等受持是經殷重聽聞讀誦解義乃至爲他廣分別

說當知是人復得如是十種功德稱讚利益
何等爲十一者成就機速慧二者成就捷辯
慧三者成就猛利慧四者成就迅疾慧五者
成就廣博慧六者成就甚深慧七者成就通
達慧八者成就無著慧九者常現前見一切
如來既得見已以清美頌而爲讚歎十者善

善

七

界

能如理請問如來又能如理開釋疑難舍利
子是名獲得十種功德稱讚利益復次舍利
子是善男子善女人等受持是經讀誦解義
乃至爲他廣分別說當知是人復獲如是十
種功德稱讚利益何等爲十一者常樂遠離
諸不善友二者常樂親近諸善知識三者能
緩諸魔所有繫縛四者摧殄諸魔所有軍陣
五者善能訶歎一切煩惱六者於一切行心
恒捐捨七者違背一切向惡趣道八者歸向
一切趣涅槃道九者善說一切越度生死清
淨之施十者巧能曉學一切菩薩所行軌則
又能奉行諸佛教勑如是名爲十種功德稱

讚利益 又涅槃經云法是佛母佛從法生
三世如來皆供養法也 又度無極集經云
昔有比丘精進守法所可諷誦是般若波羅
蜜其有聞者莫不歡喜有一小兒厥年七歲
城外牧羊遙聞比丘誦經聲即詣精舍禮拜
聽其經言時說色空聞即悟解便問比丘應
答不可小兒反爲比丘解說其義昔所希聞
恆此小兒智慧非凡時小兒即去逐牛至山
值一虎害比小兒命終生長者家夫人懷姪
口便能說般若波羅蜜從朝至夜初不懈息
其長者家恆此夫人謂呼鬼病有比丘至舍
聞聲甚喜比丘報言此非鬼病但說尊經夫
人出禮比丘復爲說法諸有疑難不能及者
盡爲解說衆僧歡喜日月滿足產得男兒適
生义手長跪說波羅蜜夫人產已還復如本
比丘言真佛弟子好養護之此兒後大當爲
一切衆人作師吾等悉當從其啓受時兒七
歲道法悉備舉衆超絕智度無極經中誤脫

皆爲刪定兒母所至輒開化人長者室家大小五百人衆皆從兒學八萬四千人皆發無上正真道意五百比丘聞兒所說盡漏意解志求大乘得法眼淨是時兒者則吾身是比丘者迦葉佛是 又舍利弗處胎經云母懷舍利弗母亦聰明 高僧傳云母懷羅什令

卍

母聰明舊日誦千偈懷胎已日得二千偈初成湏陀洹果後得斯陀含果 法師部第五如勝天子經云若有法師流通此經處比地即是如來所行於彼法師當生善知識心等重之心猶如佛心見是法師恭敬歡喜尊重讚歎又云我若住世一劫若減一劫說是流通此經法師功德不能究竟若此法師所行之處善男子善女人宜應刺血灑地令塵不起如是供養未足爲多如來法輪難受持故又華嚴經云譬如金翅鳥王飛行虛空安住虛空以清淨眼觀察大海龍王宮殿舊勇猛力以左右翅膀開海水悉令兩闢知龍男女

有命盡者而攝取之如來應供等正覺金翅馬王亦復如是安住無礙虛空之中以清淨眼觀察法界諸宮殿中一切衆生若有善根已成熟者奮勇猛十力止觀兩翅搏開生死大愛海水隨其應出生死大海除滅一切妄想顛倒安立如來無礙之行 又涅槃經云若有善男子善女人聞是經名生四惡趣者無有是處若有衆生一經耳者悉能滅除一切諸惡無間罪業又云若有衆生一經耳者却後七劫不墮惡道又云若有能知如來常住無有變異或聞常住二字音聲一經於耳即生天上後解脫時乃能證知如來常住無

卍

有變易 又華嚴經云若聞一句未曾聞法勝得三千大千世界珍寶是菩薩得聞一偈正法生上財想勝得轉輪聖王位 又法華經云若善男子善女人受持是法華經若讀若誦若解說若書寫是人當得八百眼功德千二百耳功德八百鼻功德千二百舌功德

八百身功德千二百意功德 又涅槃經云

我涅槃後若有得聞如是大乘微妙經典生信敬心當知是等於未來世百千億劫不墮

惡道又云若有於一恒河沙佛所發心然後乃能於惡世中不謗是法愛樂是典不能為人分別廣說若有二恒河沙佛所發心然後

乃能於惡世中不謗是法正解信樂受持讀

誦亦不能為他人廣說若有於三恒河沙佛所發心然後乃能於惡世中不謗是法乃至書寫經卷難為他說未解深義若有於四恒河沙佛所發心然後乃能於惡世中不謗是

典乃至書寫經卷為他廣說十六分中一分之義若有於五恒河沙佛所發心乃至於惡世中為人廣說十六分中八分之義若有於六恒河沙佛所發心乃至於惡世中為他廣說十六分中十二分義若有於七恒河沙佛所發心乃至於惡世中為他廣說十六分中十四分義若有於八恒河沙佛所發心乃至於惡

世中書寫經卷亦勸他人令得書寫自能聽受亦勸他人令解聽受如說修行具足能解盡其意味 謗罪部第六

惟今末世法逐人說道俗相濫傳謬背真混雜同行不修內典專事俗書縱有抄寫心不至教既不讓淨又多舛錯共同止宿或處在

門簷風雨虫寓都無驚懼致使經無靈驗之功誦無救苦之益寔由造作不教亦由我人逾慢也故敬福經云善男子經生之法不得顛倒一字重點五百世中墮迷惑道中不聞正法又大集經云若有衆生於過去世作諸惡業或毀於法或謗聖人於說法者為作障

素
朱十七

大

昇

礙或抄寫經法洗脫文字或損壞他法或闇藏他經由此業緣今得盲報又大般若經第百四十佛言諸善男子善女人等書寫般若經十六分中十二分義若有於七恒河沙佛所發心乃至於惡世中為他廣說十六分中十四分義若有於八恒河沙佛所發心乃至於惡

世中書寫經卷亦勸他人令得書寫自能聽受亦勸他人令解聽受如說修行具足能解盡其意味 謗罪部第六

事又大乘蓮華藏經云受佛禁戒不護將來各言我是於大乘法亦如冥夜各自說言我得佛法受鐵鎗地獄苦事難述從地獄出瘡痘盲不見正法阿難請戒律論云僧尼白衣等因讀經律論等行語手執翻卷者依切利天歲數犯重突吉羅傍報二億歲墮聲饒中恒被揩脊苦痛難忍無記戲言捉經律論亦招前報或安經像房堂簷前者依忉利天歲數八百歲犯重突吉羅傍報二億歲墮猪狗中生若得人身一億歲恒常作客插屑不得自在又大品經云是人毀此三世諸佛一切智起破法業因緣集故無量百千万億歲墮大地獄中是破法人輩從一大地獄至一大地獄若火劫起時至他方大地獄中生在彼間從一大地獄至一大地獄彼間若火劫起時復至他方大地獄中生在彼間從一大地獄至一大地獄如是遍十方獄彼間若火劫起故從彼死破法業因緣未盡故還來是

間大地獄中生在此間亦從一大地獄至一大地獄受無量苦此間火劫起故復至十方他國土生畜生中受破法罪業苦如地獄中說重罪轉薄或得人身生盲人家生旃陀羅家生除劍擔死人種種下幾家生若無眼若一眼若瞎眼無舌無耳無手所生之處無佛無法無佛弟子處生何以故種破法業積集厚故 又涅槃經云若有不信是經典者現世當爲無量病苦之所惱害多爲衆生所見罵辱命終之後人所輕賤頰貌醜陋資生難堪不供足雖復少得鹿彘弊惡常處貧窮下賤謔謗正法邪見之家若臨終時或值荒亂刀兵競起帝王暴虐怨家讐詰之所侵逼雖有善友而不遭遇資生所湏求不能得雖少得利常爲飢渴唯爲凡下之所顧識國王大臣悉不齒錄設復問其有所宣說正使是理終不信受如是之人如折翼鳥不能飛行是人亦尠於未來世不能得至人天善處若是人亦尙於未來世不能得至人天善處若

朱子

王

復有人能信如是大乘經典本所受形雖復
龐陋以經功德即便端正威顏色力日更增
多常爲人天之所樂見恭敬愛戀情無捨離
國王大臣及家親屬聞其所說悉皆敬信若
我聲聞弟子之中欲行第一希有事者當爲
世間廣宣如是大乘經典善男子辭如霧露
勢雖欲住不過日出日既出已消滅無餘善
男子是諸衆生所有惡業亦復如是住世勢
力不過得見大涅槃日是日既出悉能除滅
一切惡業 又法華經云若佛在世若滅度
後其有誹謗如斯經典見有讀誦書持經者
輕賤憎嫉而懷結恨此人罪報汝今復聽其
人命終入阿鞞獄具足一劫劫盡更生如是
展轉至無數劫從地獄出當墮畜生於無數
劫如恒河沙生蟬聲哩諸根不具告舍利弗
謗斯經者若說其罪窮劫不盡 頌曰

教博三藏慈訓八因 含情普洽 機悟玄津
威揚戛烈 温柔暭春 枯槁日久 光潤爽神

卷即納福 舒即慧申 思之不已 惟益惟新
實稱慈父 巧号能仁 周孔老教孰與陶鈞
法苑珠林卷第十七 藥七

秣_莫_反割_葛_反散_尸_反桂殉_辟_峻燃_莫_反因_俱_反乘時諸
反粹_須_反醉_福_音毒_疾_反刀織_穢_癩鹵_落_古窺_余
反亟_羈_反刀邊_邊_反浪_禰_疎華_浮_否符_樂_古願_灌

七 罪蹕_暗_反鐫_好_反緣續_胡_反贊紓賦居_晒_音

沈孝徵書

反

法苑珠林卷第十八 教法

之驗

藥八

大唐上都西明寺沙門釋道世撰

感應緣

略引四
驗

漢法內傳經驗

晉居士濟陰丁德慎

晉居士周閔

晉居士董吉

晉居士周瑞

晉居士謝敷